

Na osnovu člana 17. tačka 24. Zakona o Visokom sudskom i tužilačkom vijeću Bosne i Hercegovine ("Službeni glasnik BiH", br. 25/04, 93/05, 48/07, 15/08)", i zaključkom Visokog sudskog i tužilačkog vijeća BiH sa sjednice održane 26. i 27. januara 2011. godine, Predsjedništvo Visokog sudskog i tužilačkog vijeća na sastanku održanom 08.10.2012. godine, donosi

IZMJENU i DOPUNU

PRAVILNIKA

O SISTEMU ZA AUTOMATSKO UPRAVLJANJE PREDMETIMA U TUŽILAŠTVIMA (TCMS)

Pravilnik o Sistemu za automatsko upravljanje predmetima u tužilaštvima broj: 09-50-1192/2011 od 25. marta 2011. godine, mijenja se i dopunjava kako slijedi:

Član 1.

Mijenja se preambula Pravilnika, tako da ista glasi:

Na osnovu člana 17. tačka 24. Zakona o Visokom sudskom i tužilačkom vijeću Bosne i Hercegovine ("Službeni glasnik BiH", br. 25/04, 93/05, 48/07, 15/08)", i zaključkom Visokog sudskog i tužilačkog vijeća BiH sa sjednice održane 26. i 27. januara 2011. godine, Predsjedništvo Visokog sudskog i tužilačkog vijeća na sastanku održanom 23.03.2011. godine, donosi

Član 2.

Dopunjava se član 2. značenje izraza u ovom pravilniku, tako da se iza tačke l dodaju nove tačke m i n, koje glase:

m) Odjel za podršku svjedocima – Odjel odgovoran za pružanje psihološke, socijalne i logističke podrške i pomoći svjedocima koji se pojavljuju pred Krivičnim odjeljenjem suda.

n) Stručni saradnik za podršku svjedocima – osoba ovlaštena od strane sudije/sudskog vijeća ili po zahtjevu samog Odjela za podršku svjedocima, da putem CMS-a izvrši uvid u krivične predmete suda u kojima postoji potreba za pružanje psihološke, socijalne i logističke podrške i pomoći svjedocima koji se pojavljuju pred Krivičnim odjeljenjem suda.

Član 3.

U članu 42. vrsta/faze tužilačkog predmeta, dosadašnja tačka e mijenja se i glasi:

e) KTPO Konkretno krivično djelo i počinitelj - privredni kriminal

Član 4.

Dopunjava se član 49. radna mjesta i radni procesi koji se primjenjuju u TCMS sistemu rada, tako što se iza tačke f dodaje tačka g, koja glasi:

g) Stručni saradnik za podršku svjedocima

Član 5.

Dopunjava se član 53. tužilački asistent-daktilograf, tako što se nakon tačke e dodaje nova tačka f, koja glasi:

- f) Po naredbi tužioca kopije tužilačkih poziva upućenih svjedocima dostavlja Odjelu za podršku svjedocima.

Član 6.

Iza člana 55. dodaje se novi član 54a, koji glasi:

Član 54 a.

Stručni saradnik za podršku svjedocima

Stručni saradnik za podršku svjedocima u okviru TCMS-a ima sljedeća prava i obaveze:

- 1) Izvršiti uvid u konkretan predmet tužilaštva putem TCMS-a na osnovu pismene naredbe koju u formi zadatka dobije od postupajućeg tužioca.
- 2) Pokrenuti u TCMS-u „Izvještaj po ulozi stranke“ kako bi mogao identifikovati predmete u kojima postoje osjetljivi ili ugroženi svjedoci.
- 3) Dostavljanje zahtjevata postupajućem tužioca za uvid u konkretan predmet, ukoliko identifikuje postojanje osjetljivog ili ugroženog svjedoka
- 4) Po pismenoj naredbi tužioca inicira kontakt sa svjedocima.
- 5) Pismenim putem obavještava tužioca o navedenim kontaktima te ishodima intervencije

Član 7.

Stupanje na snagu

- 1) Dopuna Pravilnika stupa na snagu danom donošenja.

Broj: 09-50-3293/2012
Sarajevo, 08. oktobar 2012. godine



Predsjednik

Milorad Novković